

Filemongö Kimbi

Polnön Filemongöra Kimbi alök.

Jim-asa-asari

Azi öngöngöni Filemon mi Kolosi sitinön mala uruñi meleşda zioz nup memba welenqeqeñi qetñi Onesimus galöm köliga töndup unjurata Rom sitinön anök. Miangöreñ anda Polbuk mutulangöba keuñi möta uruñi meleşda Polbuk Buña nup meyohot. Polnön kösö mire tata Onesimus toñangöra Kimbi ki ohoba böröñe ala melaiiga Kolosi lilingöyök. Kimbi kiangöreñ uruñi meleşnöhi, miangö buzupñi indela Filemon uruñi kewö kuñguyök: “Gi mönö welenqeqegahö pinjitñi mosöta yambuk urumohok aka köl öröm wanginöña urumeleş alagi ewö qöhöröñge kiniga yañgöra söñgaiba malman.”

Buk kiangö bahöñi bohonñi 4 mi kewö:

Keu mutukñi 1-3

Polnön Filemon möpöseiza 4-7

Onesimusgöra Filemongö uruñi kuñguyök 8-22

Kimbigö keu kötñi bohonñi 23-25

¹O wölböt alani aka neñakni Filemon!

Pol nöñön Jisös Kraistkö nupñi memakzalangöra aka gwaröhöm niñgigetka kösö mire tatzal. Urumeleş alani Timoti yañön nömbuk tariga nöñön göbuk keu eraum mötpitköra kimbi ki ohozal.

²“Mewöyök ambi ketañi urumeleş nenini Apia aka Arkipus urumeleşgö bimqeqe azinini aka urumeleş könagesö göhö mire tokomakzei, nöñön kimbi ki eñgöra ohozal.

³Anutu Iwinini aka Kembu Jisös Kraist yetköñ kalem möriam eñgiyohotka luainöñ malme.

Filemongö urukalemñangöra möpöseiza.

⁴Nöñön nalö dop köuluköba gi mötmörim gihimakzalangö dop kewögöra Anutuni saiwap jim wangimakzal: ⁵Gi Kembu Jisös möt nariba jöpaköm wangiba Anutugö ambazip sarakñi pakpak jöpaköba urukalem ak eñgiba maljan.

^a 1.2 Kol 4.17

⁶Saiwap jiba kewö köulukömakzal: Mötnaripkan mönö köhöiba pöwöwöm aiga ölop qöhöröjnine kinda nembuk mötnaripkö keunji jim sehiba malman. Mewö Kraistpuk qekötahöba kininga kalem ölopñji ölopñji neŋgimawkawi, gi miangö kōnañji körekñanök möt sölöngöman. ⁷O urumelenj alani, gi ambazip sarakñji körö-ölöwak qem enjinönga amgöba malje. Urukalemgi miangöra nöñon gwötpuk söngai biga miangön uruni nanngömakza.

Filemonöñ Onesimus köl örömapköra qesiza.

⁸Mewö malnönga Kraistpuk qekötahöziga ölop awösamkakak aka kukösum qakñe kinda yuai akñangö jim kutum gihibileñjak. ⁹Mi töndup Anutunöñ uruñan jöpaköm netkizawangöra aka ölop jimkutukutuni mosöta ulet miyök ulet gihimam. Gi Pol nöñgö silikni mötzan. Nöñon azi namñji akzal aka Kraist Jisösgö nupköra aka nalö kewöñe kösö miri azia mewöyök akzal. ¹⁰^bNi kösö miri kiangöreñ alagi qetñji Onesimus aitongöba bauköm wangibiga uruñji meleñda mötnaripkö nahöni ahök. Miangöra merak yangö numbu jit memba yangöra aka ulet gihizal. ¹¹Yangön mutuk welen qeba lañ möndöba injarere mala qemasolokep ak gihiba malökmö, nalö kewöñe letota gi aka ni ölopñanök bauköm netkiiga ölnji asuhumakñawangö dop akza.

¹²Yangön nani wölböt nahöni akza aiga nani wölbötñi ewö melaim wangibi lilingöba göhöreñ kaza. ¹³Nöñon Ölöwak Buñagöra aka kösö mire tatzal. Miangöra Onesimus jöhöbi nömbuk mala göhö salupke bauköm niñgimapkö mötzal. ¹⁴Mewö mötzalmö, bauköm niñgimapkö qahö kuñgum gihizal. Sihimangan jiiga bauköm niñginönga dop köljapmö, göñon welenqeqegi niñgiman me angön kölman, miangöra Onj! qahö jinönga nanök jöhöm wangimamgö osizal.

¹⁵Onesimusnöñ kewögöra aka gömosörök me? Yangön nalö töröptökñji yaigep mala kunbuk lilingöba kaba göbuk nalö teteköñji qahö malma. ¹⁶Mutuk welenqe qemañji aka malökmö, nalö kewöñe mi ongita azi qainñji kun akza. Uruñji meleñda mönö wölböt alanina akza. Nöñon yangöra gwötpuk ak niñgiiga göñon azi mi eknönga Kembugö buñañji aiga yangöra mewö ni ongita önöñji qahö ak gihimakña.

¹⁷Göñon nömbuk ala-ala aka maljit mötnönga nöñon kabi köl öröm niñgibanak ewö, mönö Onesimusnöñ kaiga mewö köl öröm wangiman. ¹⁸Yuai kun ak bölim gihiyök me yangöreñ tosa kun göhöreñ ahöza ewö, mia mönö nöñgö tosaya jinöñ ahöma. ¹⁹Ni Pol mönö nani börönan kewö ohozal, “Nöñon mi mekömam.” Nöñon bauköm gihibi urugi meleñnönga tosagi ketañji mi mekömangöra nangi mewöñanök nöñgö buñaya jim teköm angunönga dop kölbawak. Miangöra ölop kewö jibileñjak: Onesimusgö tosañji mi mönö jinönga nange tosaya ahöma. ²⁰O urumelenj

^b 1.10 Kol 4.9

alani, Kembugö Buṅa gihiali, mi mönö meleşda bauköm niṅgimangö ak niṅgiza. Kraist qekötahözani, miangö dop mönö Onesimus köl örönöṅga nöṅgö urunan amgöba ölöwakṅa.

²¹Keuni tem kölmani, mi möt nariba keuni ohoba könajamgi kewö ahöi mötzal: Keu jizali, mi mönö oṅgita qetpuk ak soroköman. Mewö.

²²Keu kun ki: Eṅön köulukögetka Kembunöṅ ni meleş niṅgii eṅgöreṅ kamangö al mamböta jörömqöröm akzal. Miangöra mönö miri uruṅi kun nöṅgöra mem kelötman.

Yaizözkök aka kötuetmötuet keu teteköṅi

²³ ^cAlani Epafras yaṅön Jisös Kraistkö nupköra aka nömbuk kösö mire tata yaizözkökṅi ali göhöreṅ kaza. ²⁴ ^dNeṅakurupni nup mohotṅe memakzini Mak, Aristarkus, Demas aka Luk yaṅön mewöyök yaizözkökṅini algetka göhöreṅ kaza.

²⁵Kembu Jisös Kraistkö kalem möriamnöṅ mönö uṅaṅini kötuetköba embuk ahöma. Mewö.

^c 1.23 Kol 1.7; 4.12 ^d 1.24 Apo 12.12, 25; 13.13; 15.37-39; 19.29; 27.2; Kol 4.10, 14; 2 Tim 4.10-11